


# SAWA




**DIE KEKKELBEK**  
**OKTOBER 2019**


# *INHOUDSOPGawe*

- ❖ **DIE LEWE VAN ‘N HOENDER**
- ❖ **UIT DIE VCOORSITTER SE KANTOOR**
- ❖ **VAN DIE ONDER-VOORSITTER SE LESSENAAR**
- ❖ **VAN DIE SEKRETARESSE SE LESSENAAR**
- ❖ **DIE PENNINGMEESTERES SE VERSLAG OOR ONS GELDSAKE**
- ❖ **DIE “JACK OF ALL TRADES” (TEGNIES) SE “TO DO” LYS**
- ❖ **SPEELTYD SAAM MET DIE JEUGVERTEEN-WOORDIGER**
- ❖ **DIE REDAKTRISE SE KEKKELHOEKIE**
- ❖ **VAALDRIEHOEK GEBIEDSAAMTREK TE MALONJENI, 11-12 OKTOBER 2019**
- ❖ **TOETSE EN BEPROEWINGS VORM JOU**
- ❖ **SENIORS SE HOEKIE**
- ❖ **VROLIKHEID EN OLIKHEID**
- ❖ **EKSAMENTYD**
- ❖ **FOTO’S**
- ❖ **DIE KEKKELBEK KOOK**
- ❖ **DIE KEKKELBEK STOOK**
- ❖ **MERIETE TOEKENNINGS**
- ❖ **IN LIGTE LUIM**

## *Die lewe van n hoender*



<https://www.facebook.com/groups/afrikaansegrapgat/>



**Ek hoop nie dit gebeur met die Kekkelbek nie !!!**



# UIT DIE VOORSITTER SE



**Francois Pretorius**



Dagsê Sawanante,

Baie dankie vir die mooi opkoms by ons geheime kamp. Dit was voorwaar aangenaam en n eer om julle almal daar te kon hê en saam met julle te kuier.

Ons sekretaresse is weer terug van hul ellelange toer deur Europa. Dankie Leon dat jy as Sekretaris waargeneem het in haar afwesigheid. Ek dink jy het goed gedoen en ek waardeer alles wat jy ingesit het. Jou positiewe gesindheid en hulpvaardigheid is net wat ons almal in hierdie tyd nodig het.

God het ons gemaak om mekaar nodig te hê. Ons het almal verskillende gawes en sterk punte, verskillende foute en swakhede. Maar wanneer ons saamstaan, kan ons omsien na mekaar, mekaar help, bemoedig, en mekaar selfs uitdaag om geestelik te groei en jou plek te vind in God se plan vir jou lewe.

Ons almal het soms iets waарoor ons moet praat. Jou uitdagings kan beter aangepak word as jy met iemand daaroor praat. Onthou dat jou spesifieke situasie nie noodwendig uniek is nie. Daar is dalk iemand naby jou wat deur iets soortgelyks is en reeds oorwinning oor sy situasie behaal het. Ons het almal iets om te bied, al is dit soms net 'n gewillige oor wat luister. Ons moet egter waak teen dit wat ons sê sodat dit nie afbrekend of negatief is nie. As ons nie iets goed het om te sê van iemand nie, sal dit wys wees om liewers dan niks te sê nie en so jou kant skoon te hou. Die mag van die tong is groot en kan baie negatiewe skade aanrig of, aan die ander kant, mense positief bemoedig tot groter hoogtes.

Ek sien daarna uit om julle almal by die volgende kamp te sien. Onthou om te laat weet wie kom saam kamp en hoeveel kinders ons by die kamp gaan hê.

Sawa-groete,

**Francois**



# VAN DIE ONDER-VOORSITTER SE



Leon Delpot



## Saamtrek te Tava Lingwe 25 Okt- 27 Okt 2019



Goeiedag Sawa-vriende,

Dit was weer tyd vir ons jaarlikse geheime kamp en was dit nie geheim gehou nie, tot ek en Francois het geen idee gehad waar dit gaan wees nie. Soos die leidrade deurgekom het, het Jacques Roux kloutjie by die oor gesit en Tava Lingwe - hier kom SAWA Vaalrivier!

Vrydag deur die dag het lede hul waens staan gemaak en begin ontspan, vernaam toe daar'n welkome reënbus uitsak en sommige mense se tent opslaan belemmer het. Na boekvat is ons bederf met lekker pap en wors met sous en wortelslaai wat die Van In's voorberei het.

Saterdagoggend was daar boekevat en voor die rugby begin het, is daar rugbyraai gehou. Die wat wou, het rugby gekyk en daarna het elkeen maar lafenis teen die hitte gaan soek op hul eie manier. Party van die lede het die wildsrit gaan doen en bietjie die leeu en ander diere van nader gaan bekijk.

Saterdagaand was daar 'n gesamentlike braai en dit was 'n riem onder die hart toe al die lede opdaag. Ek dink dis die eerste keer wat ons dit kon regkry om 15 waens wat kom kamp het se mense almal by een braai te kry en SAWA Vaalrivier kon soos 'n groep saamkuier om een vuur en saam braai. Die Van In's het weer eens hulself oortref en almal voorsien van aartappelslaai met lekker "cheesy garlic" brood.

Sondagoggend het oom Henry Hartslief vir ons die erediens waargeneem en daarna was dit afsluitingstyd waatydens die langverwagte meriete plaatjies uitgedeel is. Ek wil graag geluk sê aan Andre en Petro van Niekerk, Jacques van Zyl, Rian van Zyl, Joey Delpot en Anton Delpot met jul meriete toekennings. Daarna was daar weer groot rugby. Ek dink Carine het iewers n goeie kontak om in beide rugbyraie met die louere weg te stap.

Die kamp was 'n reuse sukses en ons merk dat daar 'n goeie gees heers tussen die lede, wat baie positief is. Dit is wat ons nastreef as bestuur om ons saamtrekke weer aangenaam te maak vir almal sodat ons lede weer daarna begin uitsien om te kom kamp.. Ons het ook 2 nuwe lede gewerf en hoop ons kan op die positiwiteit voortbou om SAWA Vaalrivier weer 'n besonderse streek te maak

### **Groete van my, Leon, tot ons Kersboom saamtrek.**



**Daar was nie plek vir 'n muis hier nie**

# UIT DIE SEKRETARESSE SE



**Joey Delpot**

Hallo Sawanante,

Dis heerlik om weer terug in ons eie wêreld te wees. Waar's dit lekker? Hier's dit lekker!!

Ons het die naweek twee gesinne as besoekers ontvang, naamlik:

Jan en Mari Kruger en hul dogtertjie Marcella  
Louis en Babsie Pretorius.

Baie welkom julle, dit was lekker om julle saam met ons te hê. Ons hoop ons sal julle gereeld op saamtrekke sien.

Die Kersboom Saamtrek vind plaas te Beach Club, Sasolburg, die naweek van 29 November tot 01 Desember 2019. Verdere inligting oor hierdie saamtrek sal deurgegee word.

Sawa-groete, ons kuier sommer gou weer.





Elize van der Schyff

## DIE PENNINGMEESTERES SE OOR ONS



Aan al ons SAWA ven-



Ons is mos almal vennote om sodoende saam fondse in te samel vir ons SAWA-geldkas né? Nou ja, volgens die finansiële state kan ek net sê dat ons nie te sleg vaar nie, maar ons kan maar nog 'n bietjie meer insit om ons geldkassie in 'n geldlaai te verander. Want onthou, ons 40e verjaardag is om die draai.

Maar ons geldstatus is darem veilig en ons behoort nie sommer afgrader te word na "rommelstatus" nie.

Ons wil graag al ons SAWA-kinders by die Kersboom sien, dit is al hoe julle geskenke gaan ontvang.

Groete, ons sien  
mekaar by die



# DIE “JACK OF ALL TRADES” (TEGNIES) SE “TO DO” LYS




Garath Ferreira



Aangesien die Desember vakansie om die draai is, kan die volgende inligting dalk vir sommige lede tot nut wees.

## How to load your caravan correctly



Groete tot volgende keer,

Garath




# SPEELTYD SAAM MET DIE JEUGVERTEENWOORDIGER



Jacques van Zyl



SAWA-maats, hierdie keer het ek 'n blokraaisel vir julle. Lekker raai.



★ Nog leidrade:

- In watter vertrek kry jy dit?
- In watter vertrek kry jy dit?
- ..... en vurk.
- Waar gebruik jy dit?
- Waaruit drink jy dit?
- Waarin maak jy dit?
- In watter vertrek sal jy dit kry?
- Waarop gebruik jy dit?
- Waarin gooi jy afvalpapier?
- strykyster en .....
- Waarvan hang dit?
- Dit gee vir jou lig terwyl jy lees.
- Waar bêre jy dit?
- In watter vertrek kry jy dit?
- Wat noem jy dit?
- Nog leidrade:  
16. Wat maak jou in die oggend wakker?  
17. ..... en stoel.  
18. Waar gebruik jy dit?  
19. Wat hang voor die venster?  
20. Waar gebruik jy dit?  
21. Waar bêre jy dit?  
22. Wat neem jy kussings, komberse, lakens ens.?  
23. 'n Hoorborsel en .....  
24. 'n Koppie en .....  
25. Waarin speel jy dit?




Louise van Zyl

## DIE REDAKTRISE SE KEKKEL HOEKIE



Sawa-vriende en -vriendinne,



Dit is Oktober, die mooiste maand. Geniet die lowergroen bome en struiken en die blommeprag. Die lente-seisoen is so gou verby.

Ek hoop julle geniet hierdie uitgawe van die Kekkelbek – laat weet my, dis lekker om van julle te hoor.





## VAALDRIEHOEK GEBIED SAAMTREK TE MALONJENI

**11-12 OKT 2019**

Die Gebied Saamtrek te Malonjeni was een van vyf Gebied Saamtrekke wat die naweek van 11 en 12 Oktober plaasgevind het. Die ander saamtrekke is by Weesgerus, Die Ou Skip, Lake Pleasant en die Kaap Middellande gehou.

70 woonwaens was teenwoordig. Slegs 8 woonwaens van Streek Vaalrivier was teenwoordig, maar ons was duidelik sigbaar!!! Baie welkom aan Frans en Miemie van der Linde wat kom saam kamp het. Dit was 'n heerlike naweek waartydens daar behoorlik SAWA-verjaardag gevier is. Baie dankie aan Reney Connaway en sy mede-kommandante.

By die onthaal Saterdagaand is daar met die ander saamtrekke "geskype" en so is boodskappe en gelukwensinge van die een na die ander oorgedra met dieselfde tema - SAWA se 50e verjaardag. Hier volg 'n paar fotos.





**Saterdagaand se onthaal**



**Almal wag vir etenstyd**

# TOETSE EN BEPROEWINGS VORM JOU

Jakobus 1:2 - "My broers, julle moet baie bly wees wanneer allerlei beproewings oor julle kom"

Ek is seker jy ken mense met buitengewone verhale van hoe God in hul lewens gewerk het. Agter elke buitengewone verhaal van iemand se lewe lê die een of ander uitdaging of probleem. Niemand het ooit 'n getuienis sonder dat hulle getoets is nie.

Dit is noodsaaklik vir ons om die belangrike rol wat toetse en beproewings in ons lewens speel, te verstaan, want as ons hulle verstaan, help dit ons om hulle te verduur en deur hulle versterk te word.

Alles wat God ons toelaat om te verduur sal uiteindelik goed wees vir ons – al maak dit hoe seer en al is dit hoe onregverdig of hoe moeilik. As ons toetse en beproewings teëkom, sal ons lesse daaruit leer wat ons in die toekoms sal help. Ons moet hulle net aanvaar en weier om van hulle af weg te vlug.

Een rede waarom ons deur beproewings gaan, is om ons kwailiteit te toets. Ons wens dikwels ons het iemand anders se sterk geloof gehad. As hulle 'n sterk en lewendige geloof het, het hulle dit nie maklik ontwikkel nie. Net soos spiere deur oefening versterk word, kom 'n sterk geloof uit die smeltkroes van beproewing.

Niemand wat enigiets vir God doen wat die moeite werd is, het 'n maklike pad gestap nie. Om groot dinge vir God te doen, verg iemand met karakter en karakter word ontwikkel deur die lewe se toetse te deurstaan en getrou aan Hom te bly deur die beproewings.

*God het 'n unieke plan vir jou lewe. Vertrou Hom terwyl jy getoets word en weet dat hierdie beproewings jou sterker maak en voorberei vir die groot dinge wat Hy spesifiek vir jou beplan.*



# VIR DIE SENIORS

## WELKOM BY DIE PİLLE EN BRİLLE KLUB!

Hier vat ons nonsens van niemand nie.

Ons maak soos ons smaak.

Het niemand se goedkeuring nodig nie!

Ons is 'special' want ons kan

LAG. HOES. NIES. BACKFIRE' alles gelyk.

Ons maak van die LEWE 'n FEES!



ALMAL SOEK  
LIEFDE...

EK SOEK NET 'N  
BRAAI-BROODJIE

## WANT JA LAG HOU ONS JONK!



FITSHEIDSOEFENING VIR SENIORS

# VROLIKHEID

## HUWELIKSHERDENKINGS



Andrè en Petro van Niekerk	05 Okt
Eugene en Beverley Ferreira	06 Okt
Francois & Arlene Kloppers	11 Okt
Hanno & Shani Kukard	23 Okt
Zandry & Elize van Rooyen	23 Okt
Anton & Joey Delpert	12 Nov
Eugene & Jolandi Botha	12 Nov

## VERJAARDAE



Kobus Bezuidenhout	26 Okt
Jolandi Botha	26 Okt
Monique Venter	27 Okt
Jacques Roux	01 Nov
Christa de Jongh van Arkel	07 Nov
Bertus Venter	08 Nov
Wilma Hartslief	11 Nov
Lana Vorster	15 Nov
Kaitlyn-May Kukard	16 Nov


# OLIKHEID

Ons het hierdie keer eintlik goeie nuus oor die olike nuus want:



- Dries van der Linde was in die hospitaal, maar is weer op die been en het die naweek saam met ons gekamp. Dit was lekker om julle weer te sien.
- Kobus Kamffer is ook weer aan die gang en ons hoop om julle ook binnekort weer te sien.
- Sterkte aan al die SAWA-lede wat olik is, behandeling ontvang of besig is om van 'n siekbed te herstel. Ons vertrou dat dit spoedig beter sal gaan met julle almal

# DIS EKSAMENTYD



At my lowest...  
God is my **HOPE**.  
At my darkest...  
God is my **LIGHT**.  
At my weakest...  
God is my **STRENGTH**.  
At my saddest...  
God is my **COMFORTER**.



Nee kyk, hier word ernstig gebraai dat die rook so staan !!!





**Henry en Zandry hou dop of die twee besoekers weet wat hulle doen**



**Carine wen albei rugbyraaie!! Baie geluk. Seker maar net blote toeval né Carine?**

# DIE KEKKELEBEK KOOK



## AMARULA TERT – LEKKERSTE TERT OOIT!!

Bestanddele:

- 60 ml kakao
- 125 ml kookwater
- 3 eiers
- 220 ml suiker
- 60 ml kookolie
- 250 ml koekmeel
- 10 ml bakpoeier
- 2 ml sout
- 200 ml suiker
- 250 ml water
- 60 ml Amarula likeur (of meer na smaak)
- 1 blkkie karamel kondensmelk
- 500ml room en Flake sjokolade.

Beslag:

Meng kakao met kookwater en laat afkoel. Klits suiker, olie en eiers een vir een saam. Voeg afgekoelde kakaomengsel by en klits goed deur. Sif droë bestanddele saam en voeg by eiermengsel. Meng goed deur. Gooi in tertbak van 22/30cm vooraf gespuit met Cook n Spray. Bak in oond by 180°C vir 25-30 min .

Stroop:


Kook water en suiker vir 5 minute tot suiker opgelos is. Haal van stoof en voeg Amarula by. Roer goed deur. Prik tert sodra dit uit die oond kom en gooi warm stroop dadelik oor. Laat heeltemal afkoel.

Versiering:

Smeer karamel kondensmelk oor tert. Klits room styf en smeer oor karamel op tert. Strooi Flake sjokolade bo-oor en geniet.

# DIE KEKKELEBOK STOOK

Dis nou tyd om af te koel met mengedrankies, so toets die resepte hieronder uit.



## MERIETE TOEKENNINGS



André en Petro van Niekerk  
Vir hulpverlening op saamtrekke



Jacques van Zyl  
Vir hulp by geleenthede met musiek, ens.



Joey Delpot  
Vir organisasie en bereidwilligheid




Anton Delpot  
Vir hulp en hout aanry vir braaivleis vure

Rian van zyl – Meriete toekenning ontvang vir hulp en voorsiening van koeltrok by geleenthede. Rian was nie teenwoordig nie.

### KAMPKOMMANDANTE VÍR DIE NAWEEK: MARCEL & CARINE VAN IN





**EK SOEK RAAD  
VIR SINUS ASB...**

**WANT AS EK  
'SINUS'  
DIE NAWEEK VERBY!**